

экэчин бидуи мимбивэ эм пунгнэгуэ тагоачи  
нгэлэчихэмби. Ми эси буйгугухэмби, гучкули  
очимби, мимбивэ эси эдемби пунгнэгуэсини. Гой  
кэксэвэ нёани тургэнди ми-кэчи осидиани удими  
мутэсини.“ Най ичэдини — кэксэ сингэрэвэ вай-  
часини, тотара асичии ундини: „Буэ кэксэ-  
нгуу хамача-да ебэ анани. Хумду кэксэвэ гэлэ-  
ндэгуэри.“

Буйгу кэксэвэ дяпахани, дуэнтэчи [олбин-  
кини, тотара чаду нангалахани.

\* \* \*

Енгур индасалдиади чочагохани, чонгдоду  
сирийчахани. Тэй чонгдоду соли тэсихэни. Соли  
енгурчи хуктэй ям агбимбоми хэрэсими, ун-  
дини: „Симбивэ эуси чиндасимби, эй ми бэум-  
би.“ Енгур эчиэ мариамачиани, тотам-да туй  
ункини: „Индасал кэту-дэ туй дидя биэчичи  
осини, ми симбивэ ичэвэмчэй эй уй-дэ бэум-  
бэни! Эй тэнг си кэсиси.“

\* \* \*

Гуси соли пиктэвэни чапакталахани, то-  
тара пукчугуйчэхэни. Соликан намичалохани,  
гуси гудиэсивэни гэлэхэни. Гуси нёамбани